

كومن بنات النبي خيطن خيمجن عبي  
هاي الزلم مت تفضل باجر وراجن سبي  
يله استعدادن لباجر هليله كلش كصيره  
باجر زلمنه تسافر كلمن يروح لمصيره  
انسن دلال الهواشم انسن صفات الاميره  
كل وحده تلزم طفلها لوذن اسيره باسيه  
وبسرعة كون المشي احنى نسو نختشي  
لا يبقى عدجن امل باجر وراجن سبي

من هسه خلبني افكر لمن تصير المسيه  
ليلة حامي رقيه واني عليه البقية  
من الشمر يعتنيني لا لا تطيحن عليه  
خلوني لوحدي لسيطرة لمن يقطع ايديه  
باجر سيات الهضم خل تنزل على العظم  
خلي ابشر الكفل باجر وراجن سبي

ما ضل وكت بالحرايم باجر تسافر زلمنه  
باجر غطانه سحابه ناتج مداخن خيمنه  
صيرن درع يا خواتي واني اشيلن علمنه

احنه ثماله وارامل بالغريه من يحترمنه  
نصبغ وجهنة بدمه حتى العدو نوهمه  
كلشي صفه محتمل باجر وراجن سي

لالا تلفضن اسامي خاف العدو يكتشفنا  
يبقى يسب بالغوالي يعرفنا نقطة ضعفنا  
كل غالي باجر نتركه ماكو اهم من شرفه  
والي يطمهنا باجر كلش قريه نجفنا  
باجر حرب تستمر بين الخدر والشمر  
واقع صبح مو مثل باجر وراجن سي

شوفن وجوه الغوالي ساعة واحفظن علايم  
يختلف باجر شكلهم لمن تطيح العمائم  
جثه تطيح على جثه تلتهم جسوم الهواشم  
رمله ياليله تحيله منهو ومنهو جاسم  
كل الجثث تنسحك تتكطع وتفترك  
انسو عتاب الاهل باجر وراجن سي

مهد الطفل خلي نبعدو شوفوله خيمه بعيدو

رمله بعد لا تهلل شمع العرس ما نريده  
لمن تشوفن كفيلي لحد تباع على ايده  
وابن امي باجر نشوفه سيف اليمزك وريده  
خلي ننظر لركبته وكت الظهر ذبحته  
ودعنا بس بالعجل باجر وراجن سي

من هسه صيرن سبايا وانا الحرس والكفيله  
اتعلم على الحراسه ما ضل وكت هي ليله  
ما نشتكى من المنا من يسمع ونشكيله  
ادري علينا صعبة قصة سفرنا طويلة  
باجر زند ينبتر باجر ظهر ينكسر  
على الشاطي يوكع جبل باجر وراجن سي

لو وحده باجر ولوها لازم تخف بمشيها  
خلها تنادي يا زينب عليه تأشر بيديها  
حتى يعرفني ويجيني بلكت بعد ما يجيها  
اختك يا راعي الكفالة كلها تدور عليها  
يا ويلي وكت الظهور يرجعلي خالي المهور  
اعرف اخوية انجتل باجر وراجن سي